



AKTEA/33

BERMEOKO UDALEKO TOKIKO GOBERNU BATZARRA
(2024-11-05)

Batzarraren izaera:	Ohikoa
Deialdia	1. deialdia
Data:	2024-11-05 (Asteartea)
Lekua:	Irakaskintza kalea 14-16 (Gizarte eta Kultura Etxeko batzar gela)
Hasiera-ordua:	08:16
Amaiera-ordua:	08:25
Alkate-Presidentea:	NEMEH SHOMALY NADIA
Batzordekideak:	URIARTE ANASAGASTI VICTOR ETXEBARRIA TELLERIA ENDIKA ORTUZAR BUTRON XABIER GABANTXO URIAGEREKA MIREN KARMELE
Bertaratu ez direnak:	CARUEZO UGALDE MAITE
Idazkaria:	URIARTE LEJARRAGA JURDANA



Agiri hau benetakoa dala udalaren egoitza elektronikoan egiaztatu ahal dozu.

Kodea:
07E80011460B00A3T5X4X1V9Y9

Sinadurea eta data

JURDANA URIARTE LEJARRAGA(-Ayuntamiento de Bermeo - Bermeoko Udala)-IDAZKARI NAGUSIA - 05/11/2024
NADIA NEMEH SHOMALY-BERMEOKO ALKATEA - 05/11/2024
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 05/11/2024 13:02:46

DOCUMENTO: 20241132043

Datea: 05/11/2024

Lekua: Bermeon

Erregistro unidatea:
Erregistro nagusia

Aztergaiak

- 1.- Aurreko akta irakurri eta onestea: 2024-10-29 TGB (32)
- 2.- Batzarkideek gai zerrendako puntuetan interes pertsonalik edo familiarik daukaten adieraztea.
- 3.- Dolariaga kalea 2an kokatutako A bulegoaren bizigarritasun lizentzia eskaria onartzea.
- 4.- Artike bidea 17an dagoen eraikinaren irisgarritasun-baldintzak hobetzeko obra-lizentzia eskaria onartzea.
- 5.- Alkatetza dekretuen berri emotea.
- 6.- Eskari eta itaunak

Alkateak, legezko kopuru nahikoa dagoela ikusita, batzarra hasi du eta Tokiko Gobernu Batzarreko kideek euren kargua onartu dute. Jarraian, deialdiko aztergaien zerrendan jasota dauden gaiak heldu diete. Eraitza honakoa izan da:

1.- AURREKO AKTA IRAKURRI ETA ONESTEA: 2024-10-29 TGB (32)

Bertaratutako batzarkideek 2024ko urriaren 29ko 32/2024 akta irakurrita, aho batez, onartzea erabaki dute.

2.- BATZARKIDEEK GAI ZERREDAKO PUNTUETAN INTERES PERTSONALIK EDO FAMILIAKORIK DAUKATEN ADIERAZTEA.

Batzarkideek gai zerrendako puntuetan interes pertsonalik edo familiarik ez daukatela adierazi dute.

3.- DOLARIAGA KALEA 2AN KOKATUTAKO A BULEGOAREN BIZIGARRITASUN LIZENTZIA ESKARIA ONARTZEA.

Xedea



Agiri hau benetakoa dala udalaren egoitza elektronikoan egiaztatu ahal dozu.
Kodea:
07E80011460B00A3T5X4X1V9Y9

Sinadurea eta data

JURDANA URIARTE LEJARRAGA(-Ayuntamiento de Bermeo - Bermeoko Udala)-IDAZKARI NAGUSIA - 05/11/2024
NADIA NEMEH SHOMALY-BERMEOKO ALKATEA - 05/11/2024
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 05/11/2024 13:02:46

DOCUMENTO: 20241132043

Fecha: 05/11/2024
Lekua: Bermeon
Erregistro unidatea:
Erregistro nagusia

CSV: 07E80011460B00A3T5X4X1V9Y9



Dolariaga kalea 2an kokatutako A bulegoaren bizigarritasun lizentzia eskaria.

Aurrekariak

Lehenengoa.- 2022ko uztailaren 28an, Lameratxiki S.A enpresako 30.670.007-J NAN zenbakidun N.P.O. ordezkariak, Arzanegi arkitektura bulegoak garatutako proiektua aurkeztu zuen Dolariaga kaleko 2an dagoen eraikinean dauden bi bulegoetatik batean, A bulegoan (N0845807G), etxebizitza egokitzeko obra baimena eskatu du.

Proiektua dagokion Elkargo Ofizialaren ikus-onetsia du (2022/07/27) eta proiektuan bertan dira, segurtasun eta osasunaren oinarritzko azterlana, kalitate kontrolaren plana eta hondakinak kudeatzeko azterlana.

Bigarrena.- 2022ko azaroaren 22an, Lameratxiki S.A enpresako 30.670.007-J NAN zenbakidun N.P.O. ordezkariak dokumentazio osagarria aurkeztu zuen.

Aurkeztutako azken dokumentazioaren arabera, lanen behin-behineko kostua 5.619,23 eurokoa da, obraren exekuzio materialarena.

Hirugarrena.- 2022 abenduaren 13an, Bermeoko Udaleko Urigintza, Obra eta Ingurumen Saileko arkitektoak txostena egin zuen lanak baimentzearen aldekoa.

Laugarrena.- 2022ko abenduaren 14an, eskatutako fidantza ipini zen udal Diruzaintzan.

Bosgarrena.- 2022ko abenduaren 22an, 2022 4809 Alkatetza Dekretuaren bidez Lameratxiki SA enpresari eskatutako obra lizentzia eman zitzaion, Dolariaga kalea 2ko eraikineko A bulegoan (N0845807G), etxebizitza erabilera ezartzeko, aurkeztutako proiektuaren arabera.

Seigarrena.- 2024ko martxoaren 1ean, Lameratxiki S.A enpresako 30.670.007-J NAN zenbakidun N.P.O. ordezkariak notariotza-zirriborroa eta Foru Aldundian lokalaren erabilera etxebizitzara aldatzeko egindako eskaera aurkeztu izanaren agiria aurkeztu zituen.

Zazpigarrena.- 2024ko uztailaren 12an, etxebizitzaren ikusketa egin zen.

Zortzigarrena.- 2024ko abuztuaren 1ean, udal arkitektoak txostena egin zuen, non ziurtagiriak eskatzen ziren.

Bederatzigarrena.- 2024ko irailaren 23an, Nere Pagai Olaskoagak, Lameratxiki S.A

3



Agiri hau benetakoa dala udalaren egoitza elektronikoan egiaztatu ahal dozu.
Kodea:
07E80011460B00A3T5X4X1V9Y9

Sinadurea eta data

JURDANA URIARTE LEJARRAGA(-Ayuntamiento de Bermeo - Bermeoko Udala)-IDAZKARI NAGUSIA - 05/11/2024
NADIA NEMEH SHOMALY-BERMEOKO ALKATEA - 05/11/2024
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 05/11/2024 13:02:46

DOCUMENTO: 20241132043
Data: 05/11/2024
Lekua: Bermeon
Erregistro unidaidea:
Erregistro nagusia

CSV: 07E80011460B00A3T5X4X1V9Y9



enpresako ordezkariak, dokumentazioa aurkeztu zuen.

Hamargarrena.- 2024ko urriaren 23an Bermeoko Udaleko arkitektoak txostena egin zuen.

Hamaikagarrena.- 2024ko urriaren 23an Bermeoko Udaleko Urigintza, Obrak eta Ingurumen Saileko administrazio orokorreko teknikariak txostena egin zuen.

Hamabigarrena.- 2024ko urriaren 23an Bermeoko Udaleko Urigintza, Obrak eta Ingurumen Saileko administrazio orokorreko teknikariak txostena egin zuen.

Argudioak

Lehenengoa.- Hirigintza eta Lurzoruari buruzko 2/2006 Legeko 207 r) eta 210 artikuluek eta Hirigintza Disziplina arautzen duen ekainaren 23ko 2187/ 1978 Errege Dekretuaren 3 eta 4 artikuluek xedatutakoari jarraituz, espedientearen tramitazioa indarrean dagoen araudiarekin bat dator. Era berean, eskaria bat dator be hirigintza araudiarekin, udal arkitektoak 2024ko urriaren 23an egindako txostenean aipatzen den bezala.

Bigarrena.- Aurretiaz adierazi den moduan, Hirigintza eta Lurzoruari buruzko 2/2006 Legeko 209.2 artikulua eta Toki- administrazioen Oinarriak arautzen duen 7/1985 Legearen 21.1.q) artikulua kontutan hartuta, hirigintza lizentziak emateko eskumena alkatearen da, baina eskumen hori 2024ko apirilaren 24an 1886. zenbakidun Alkatetza Dekretuz Tokiko Gobernu Batzarrak eskuordetuta dauka.

Aurreko guztiagatik, eta igorritako erabaki proposamena kontuan hartuta, ematen da hurrengoko.

Erabakia

Tokiko Gobernu Batzar honek, aho batez, honakoa ERABAKI DU:

LEHENEGOA.- Bermeoko Dolariaga kaleko 2 zenbakian kokatuta dagoen A bulegoari bizigarritasun lizentzia ematea.

BIGARRENA.- Erabaki hau interesdunari jakinaraztea, dagozkion errekurtsioen aipamenarekin.

HIRUGARRENA.- Erabaki hau helaraztea Errenta Sailari, dagozkion ondorioetarako.

LAUGARRENA.- Erabaki honen berri ematea hurrengoko Osoko Bilkuran.



Agiri hau benetakoa dala udalaren egoitza elektronikoan egiaztatu ahal dozu.
Kodea:
07E80011460B00A3T5X4X1V9Y9

Sinadurea eta data

JURDANA URIARTE LEJARRAGA(-Ayuntamiento de Bermeo - Bermeoko Udala)-IDAZKARI NAGUSIA - 05/11/2024
NADIA NEMEH SHOMALY-BERMEOKO ALKATEA - 05/11/2024
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 05/11/2024 13:02:46

DOCUMENTO: 20241132043

Fecha: 05/11/2024
Lekua: Bermeon
Erregistro unidea: Erregistro nagusia



4.- ARTIKE BIDEA 17AN DAGOEN ERAIKINAREN IRISGARRITASUN-BALDINTZAK HOBETZEKO OBRA-LIZENTZIA ESKARIA ONARTZEA.

Xedea

Bermeoko Artike bidea 17. zenbakian, 0 kotaren jaitsieran, garajeetan eta teilatupuan dagoen eraikinaren irisgarritasun-baldintzak hobetzeko obra-lizentzia eskaria onartzea.

Aurrekariak

Lehenengoa.- 2023ko urriaren 23an, 78.862.162-S NAN zenbakidun M.M.V. pertsona interesdunak, Artike bidea 17ko jabekideen erkidegoaren ordezkari gisa, irisgarritasun baldintzak hobetzeko lanak egiteko obra-baimena eskatu zuen.

Horretarako, aurkeztutako eskaerarekin batera, Josu Uribarri Etxebarria arkitektoak sinatutako proiektua aurkeztu zen. Proiektua dagokion elkargo ofizialaren oniritziarekin aurkeztu zen (2023-09-22), eta bertan sartzen dira

Kalitatea Kontrolatzeko Plana, Segurtasunari eta Osasunari buruzko Oinarrizko Azterlana eta Hondakinen Kudeaketari buruzko Azterlana.

Aurkeztutako proiektuaren arabera, obraren exekuzio materialaren behinbehineko aurrekontua 116.872,66 eurokoa izango litzateke (segurtasun neurriak, kalitate-kontrola eta hondakinen kudeaketarako partidak kenduta 115.691,40 euro).

Bigarrena.- 2024ko apirilaren 16an, udal bulego teknikoak txostena egin zuen, eta proiektuaren hainbat zuzenketa eskatu zituen:

- *Garajea eta bizitegi-erabilerako komunikazio bertikaleko espazioa sutesektore independenteak dira. Gainera, 100 m²-tik gorako azalera eraikia duen aparkaleku-erabilerako eremuan, beste erabilerara bateko eremuekin komunikatzeko, independentzia-atarien bidez egin behar da.*
- *Ez da justifikatu garajeen solairuko independentzia-atariaren suarekiko erresistentzia. (SI- 1.1.4: "Ilogailuek sarbide bakoitzean E 30 (*) atea izango dituzte, eta EI2 30-C5 atea duen isolamendu-atari baten kasuan, arrisku bereziko edo aparkaleku-erabilerako eremuetan izan ezik, horietan atari hori jarri behar baita beti").*



Agiri hau benetakoa dala udalaren egoitza elektronikoan egiaztatu ahal dozu.
Kodea:
07E80011460B00A3T5X4X1V9Y9

Sinadurea eta data

JURDANA URIARTE LEJARRAGA(-Ayuntamiento de Bermeo - Bermeoko Udala)-IDAZKARI NAGUSIA - 05/11/2024
NADIA NEMEH SHOMALY-BERMEOKO ALKATEA - 05/11/2024
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 05/11/2024 13:02:46

DOCUMENTO: 20241132043

Fecha: 05/11/2024
Lekua: Bermeon
Erregistro unidaidea:
Erregistro nagusia



(*) UNE-EN 81-58: 2004 "Izogailuak eraiki eta instalatzeko segurtasunarauak. Analisiak eta saiakuntzak – 58. zatia: Solairuetako ateen suarekiko erresistentzia-entsegua".

- *Izogailuaren makina-gela arrisku txikiko lokaltzat jotzen da, eta dagokion araudia betetzen dela justifikatu beharko du.*

- *Teilatuaren eta altxaeren planoak aurkeztu beharko dira, egungo eta etorkizuneko egoera adieraziz.*

Hirugarrena.- 2024ko ekainaren 4an, 78.862.162-S NAN zenbakidun M.M.V. pertsona interesdunak, Artike bidea 17ko jabe elkargoaren ordezkari gisa, berriz ere obrarako baimena eskatu zuen irisgarritasun-baldintzak hobetzeko lanak egiteko helbide berean. Horretarako, eskabidearekin batera, jatorrizko proiektuaren dokumentazio osagarria aurkeztu zen, Josu Uribarri Etxebarria arkitektoak sinatua. Hiru plano erantsi zitzaizkion proiektuari, eta errekerimendua betetzat jo zen:

- 16. plano. Argiztapenaren oinplano. DB SI suteak
- 20. plano. Estalitako oinplano. Altxaerak
- 21. plano. Estalitako oinplano. Altxaerak

Dokumentazio berri hori ez zen aurkeztu zegokion elkargoaren oniritziarekin.

Laugarrena.- 2024ko urriaren 25ean, 78.862.162-S NAN zenbakidun M.M.V. pertsona interesdunak, Artike bidea 17ko jabe elkargoaren ordezkari gisa, Bermeoko Artike bidea 11tik 21era garajeetan egindako obraren amaiera ziurtagiria aurkeztu zuen.

Bosgarrena.- 2024ko urriaren 28an Bermeoko Udaleko arkitektoak txostena egin zuen.

Seigarrena.- 2024ko urriaren 29an eskatutako fidantzak gordailatu dira.

Zazpigarrena.- 2024ko urriaren 29an Bermeoko Udaleko Urigintza, Obra eta Ingurumen Saileko administrazio orokorreko teknikariak txostena egin zuen.

Zortzigarrena.- 2024ko urriaren 29an Bermeoko Udaleko Urigintza, Obra eta Ingurumen Saileko administrazio orokorreko teknikariak erabaki proposamena igorri zuen.



Argudioak

Lehenengoa Lehenengoa.- Bai txosten teknikoan bai txosten juridikoan azaltzen den bezala, Artike bidea 17 jabe elkartearen eskaria bat dator hirigintza araudiarekin.

Bestalde, Urigintza eta Lurzoruari buruzko 2/2006 Legeko 207. eta 210. artikuluek eta Urigintza Diziplina arautzen duen ekainaren 23ko 2187/1978 Errege Dekretuaren 3 eta 4 artikuluek xedatutakoari jarraituz, espedientearen tramitazio indarrean dagoen araudiarekin bat dator.

Bigarrena.- Urigintza eta Lurzoruari buruzko 2/2006 Legeko 209.2. artikulua eta Toki administrazioen oinarriak arautzen duen 7/1985 Legearen 21.1.q) artikulua kontuan hartuta, obra lizentziak emateko eskumena alkatearena da, baina eskumen hori 2024ko apirilaren 24ko 1886. zenbakidun Alkatetza Dekretuz Tokiko Gobernu Batzarrak eskuordetuta du.

Aurreko guztiagatik, eta espedientearen ageri diren dokumentazio eta txostenak kontuan hartuta, ebazteko organo eskudunari igortzen zaio hurrengoko.

Erabakia

Tokiko Gobernu Batzar honek, aho batez, honakoa ERABAKI DU:

LEHENENGOA.- Bermeoko Artike bidea 17. zenbakian, 0 kotaren jaitzieran, garajeetan eta teilatupean dagoen eraikinaren irisgarritasun-baldintzak hobetzeko obra-lizentzia eskaria onartzea, 2023ko urriaren 23an eta 2024ko ekainaren 4an, 78.862.162-S NAN zenbakidun M.M.V. pertsona interesdunak, Artike bidea 17ko jabekideen erkidegoaren ordezkari gisa, aurkeztutako obra proiektu eta dokumentazio osagarriaren arabera.

BIGARRENA: Lizentziaren eraginkortasuna baldintza honek betetzera baldintzatuko da:

- 112/2012 DEKRETUAK, ekainaren 26koa, eraikuntza- eta eraispentxostenaren ekoizpena eta kudeaketa arautzen ditu. Hondakinen kudeaketari dagokion aurrekontua Hirigintza Sailean aztertu ostean, obrak hasi aurretik, 5. artikuluan zehazten den fidantza ezarriko du Udalak. Obren sustatzaileak fidantza hori obrak hasi aurretik jarri beharko du.



- Lanak direla eta, espazio publikoan edo lur-azpian leudekeen instalazioetan kalteak eragingo balira, haien konponketa obra baimen hau eskatzen duenaren kontura izango da.
- Bermeoko HAPOaren IV. Tituluko lehenengo kapituluko eraikuntzako baldintza orokorren zehaztapenak bete beharko dira.
- Eraikuntzaren kode teknikoaren, EKT aldatzen duen 732/2019 Dekretuan xedatutakoa beteko da, baita bere oinarritzko dokumentuek zehazten dutena ere. (DB-SUA, DB-SE, DB-SI, DB-HS, DB-HE, DB-HR).
- 20/1997 Legea, abenduaren 4koa, irisgarritasuna sustatzekoa.
- 68/2000 DEKRETUA, apirilaren 11koa, hiri-inguruneen, espazio publikoen, eraikinen eta informazio eta komunikazioko sistemen irisgarritasun-baldintzei buruzko arau teknikoak onartzen dituen bete beharko da.
- Etxebizitzaren gaineko 3/2015 Legeak, ekainaren 1ekoa, arautzen duena bete beharko da.
- Aurkeztutako eta onartutako proiektuari hertsiki lotuta egingo dira obrak.
- Obrak gehienez sei hilabeteko (6) epean hasi beharko dira, lizentzia indarrean jartzen denetik zenbatzen hasita, eta obrak hasi eta sei (6) hilabete igaro baino lehen amaitu beharko dira. Sustatzaileari egotz dakizkiokeen arrazoiengatik obrak geldirik egoteko epea ezin izango da hiru (3) hilabete baino luzeagoa izan.

Obren hasiera eta amaiera Udalarari jakinarazi beharko zaizkio. Obren hasiera baino lehen eskatutako fidantzen eta bisatu gabe falta den dokumentazioa aurkeztu beharko da Udalean.

- Lizentziaren titularra izango da aurkeztutako dokumentazioan jasotako datuen benetakotasunaren erantzulea, baita obretan sortzen diren gorabeherena ere. Kasu horretan, Udalarari aldeztu aurretik jakinaraziko zaio inguruabar hori, eta azken baldintza hori betetzen ez dela egiaztatzen duen dokumentazioa erantsiko zaio.
- Pertsonen eta ondasunen segurtasuna bermatzeko beharrezko segurtasun-neurri guztiak hartuko dira, eta lanabesak eta materialak erortzea saihestuko



Agiri hau benetakoa dala udalaren egoitza elektronikoan egiaztatu ahal dozu.

Kodea:
07E80011460B00A3T5X4X1V9Y9

Sinadurea eta data

JURDANA URIARTE LEJARRAGA(-Ayuntamiento de Bermeo - Bermeoko Udala)-IDAZKARI NAGUSIA - 05/11/2024
NADIA NEMEH SHOMALY-BERMEOKO ALKATEA - 05/11/2024
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 05/11/2024 13:02:46

DOCUMENTO: 20241132043

Fecha: 05/11/2024
Lekua: Bermeon
Erregistro unidatea:
Erregistro nagusia



da babes-biserak, olanak eta abar jarriz, indarrean dauden segurtasun- eta higiene-neurrien arabera.

- Lizentziaren titularra obren ondorioz sortzen diren kalte guztien erantzulea, udalaren baimena ezin izango da erabili erantzukizun hori baztertzeko edo gutxitzeko.
- Lizentziaren titularra da obren ondorioz udal-bideei eragiten dizkien kalteen erantzulea.
- Lizentziak, beti, jabetze-eskubidea kontuan izan gabe eta hirugarrenei kalterik eragin gabe emango dira. Lizentzia eskatzailearen ardura izango da, hirugarrenei eskatu beharreko baimenak eskatzea.
- Azaroaren 8ko 31/1995 Lan-arriskuen Prebentzioari buruzko legean oinarritutako eraikuntza lanetako segurtasun eta osasun arloan gutxieneko xedapenak ezartzen dituen 1627/1997 Errege Dekretuaren eta 337/2010 dekretuak eginiko moldaketak errespetatu beharko dira obrak dirauen artean eraikuntza obretarako segurtasun eta osasun baldintza minimoak ezartzerakoan.

Lizentzia emateko erabili den proiektuan ezarritakoari jarraitu beharko zaio, eta baldintza honetaz gain, obra egiteko lizentzia eraginkorra izateko, lizentzia honeri erantsita doazen baldintza orokorrak bete beharko dira.

Ohartarazten da baimen hau ez dela eraginkorra izango, baldintza guztiak betetzen ez diren bitartean.

Bestalde, era berean, 2024ko urriaren 28an udal arkitektoaren txostena atxikitzen da ebazpen honi.

HIRUGARRENA: Obrak amaitutakoan, ondorengo ziurtagiriak aurkeztu beharko dira udalean:

- Instalazioei eta egindako lanei dagokien obra amaiera ziurtagiria eta likidazioa. Obra amaierako dokumentazioa obra-zuzendari izan diren arkitektoak eta arkitekto teknikoak sinatuta aurkeztu beharko da, baita dagokion Elkargo Ofizialak ikus- onetsia, non besteak beste ageriko den, lanek, indarrean dagoen araudiazko dekien egokiera eta udalaren zuzenketa neurrien gauzatzea.



Agiri hau benetakoa dala udalaren egoitza elektronikoan egiaztatu ahal dozu.
Kodea:
07E80011460B00A3T5X4X1V9Y9

Sinadurea eta data

JURDANA URIARTE LEJARRAGA(-Ayuntamiento de Bermeo - Bermeoko Udala)-IDAZKARI NAGUSIA - 05/11/2024
NADIA NEMEH SHOMALY-BERMEOKO ALKATEA - 05/11/2024
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 05/11/2024 13:02:46

DOCUMENTO: 20241132043
Data: 05/11/2024
Lekua: Bermeon
Erregistro unidatea:
Erregistro nagusia



• 112/2012 Dekretuaren 6. artikuluan zehazten den dokumentazioa, obra handietan sortutako eraikuntza- eta eraispén-hondakinak eta –materialak behar bezala kudeatu direla egiaztatzeko.

1.– Obra handietan sortutako hondakinak behar bezala kudeatu direla egiaztatzeko, obraren zuzendaritza fakultatiboak sinaturiko txosten bat aurkeztu beharko du eraikuntza-hondakinen eta –materialen ekoizleak. Txosten hori dekretu honen III. eranskinean zehaztutako ereduari jarraikiz egin behar da, eta ingurumen-organoak akreditaturiko entitate independente batek egiaztatu behar du, hargatik eragotzi gabe xedapen iragankor bakarrean ezartzen dena.

2.– Aurreko ataletan aipatzen den azken txostenarekin batera, dokumentazio hau aurkeztu behar da:

a) Lur eta arroka ez poluituak betelan bat egiteko erabiltzen badira, dagokion udalak betelana egiteko emandako lizentziaren kopia aurkeztu behar da, edo, azpiegituralan linealen kasuan, organo eskudunaren baimenaren kopia, hondakinak hondakindegietan biltegitratuta eta betelanak eginda ezabatzea arautzen duen Euskal Autonomia Erkidegoko araudian ezarritakoari jarraikiz.

b) Hondakinak behar bezala kudeatu direla egiaztatzen duten ziurtagiriak, haiek egiteko baimena duten kudeatzaileek egindakoak, edo betelane-tarako lur eta arroka ez poluituak jaso dituzten pertsona baimendu titularrek egindakoak.

c) Hondakin balorizatuen eta *in situ* erabilitako eraikuntza- eta eraispén materialen erabileraren eta kantitatearen zinpeko aitortpena.

• Instalatzaileak emandako ziurtagiria, instalazioaren egokitasunarena. Industria ordezkariak abalaturak.

LAUGARRENA: Egin beharreko obrak lizentziaren bidez baimendutakoak baino ez dira izango. Baimendutako obretan egin nahi den aldaketa oro udalari jakinarazi beharko zaio, eta beste lizentzia bat eskatu beharko da. Obrak gaintzeak edo lizentzia baldintzak ez betetzeak obrak geldiaraztea eta dagozkien administrazio-zehapenak ezartzea ekarriko du.

BOSGARRENA: Lizentzia hau edo haren kopia kautotua obrak egiten diren lekuan egongo da, udal zerbitzu teknikoaren eskura, eta zerbitzu horrei ikuskapen-erako eta



Agiri hau benetakoa dala udalaren egoitza elektronikoan egiaztatu ahal dozu.
Kodea:
07E80011460B00A3T5X4X1V9Y9

Sinadurea eta data

JURDANA URIARTE LEJARRAGA(-Ayuntamiento de Bermeo - Bermeoko Udala)-IDAZKARI NAGUSIA - 05/11/2024
NADIA NEMEH SHOMALY-BERMEOKO ALKATEA - 05/11/2024
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 05/11/2024 13:02:46

DOCUMENTO: 20241132043

Fecha: 05/11/2024
Lekua: Bermeon
Erregistro unidatea:
Erregistro nagusia

CSV: 07E80011460B00A3T5X4X1V9Y9



egiaztapenentarako sarbidea eman beharko zaie, 2/2006 Legearen 217. eta 218. artikuluetan xedatutakoarekin bat etorritz.

SEIGARRENA: Obraren exekuzio materialaren behin-behineko aurrekontua 116.872,66 eurokoa izango litzateke (segurtasun neurriak, kalitate-kontrola eta hondakinen kudeaketarako partidak kenduta 115.691,40 euro) da (exekuzio materialaren kostua kontuan hartuta). Obrak gehienez ere sei (6) hilabeteko epean hasi beharko dira, lizentzia jakinarazi eta biharamunetik hasita, eta gehienez ere hiru (3) hilabetez eten ahalko dira. Era berean, obrak egiteko epea sei (6) hilabetekoa izango da, eta ohartarazten da adierazitako epeak obra hasi, jarraitu edo amaitu barik badaude, hurrenez hurren, udalak lizentzia iraungitzeko espedientea hasiko duela, interesdunak aipatutako obra egiteko luzapena eskatzen ez badu behintzat.

ZAZPIGARRENA: Obrak egiten diren bitartean, legez eskatu daitezkeen segurtasun neurri guztiak hartuko dira, obretatik hurbil dauden pertsonen kalterik ez egiteko.

ZORTZIGARRENA: Lizentziaren titularraren kontura izango dira bidean eta kasuan kasuko zerbitzu publikoetan sortu daitezkeen kalteen edo ukipenen ondorioz beharrezkoak diren birjartzeak, baldin eta obrak gauzatzearen ondorio badira.

BEDERATZIGARRENA: Obretako hesi, aldamu eta gainerako elementu osagarriekin eremu publikoa okupatzen bada, dagokion eskaera aurkeztu beharko da udalean.

HAMARGARRENA: Lizentzia hau emandakotzat joko da jabetza-eskubidea izan ezik eta hirugarrenaren eskubideari kalterik egin gabe, eta lizentziaren titularraren erantzukizun eskusibopean.

HAMAIKAGARRENA: Baimen honek eragina izango du udalaren eta lizentziaren titularraren artean, baina ez ditu aldatzen haren eta gainerako pertsonen arteko egoera juridiko pribatuak.

HAMABIGARRENA: Errenta sailari erabaki hau igortzea, dagozkion tasak eta tributatuak likidatzeko.

HAMAHIRUGARRENA: Ebazpen hau interesdunari jakinaraztea, bidezkoak direnerrekurtsoak adieraziz.

OBRA HANDIETAN BETE BEHARREKO BALDINTZA OROKORRAK



Agiri hau benetakoa dala udalaren egoitza elektronikoan egiaztatuta ahal dozu.
Kodea:
07E80011460B00A3T5X4X1V9Y9

Sinadurea eta data
JURDANA URIARTE LEJARRAGA(-Ayuntamiento de Bermeo - Bermeoko Udala)-IDAZKARI NAGUSIA - 05/11/2024
NADIA NEMEH SHOMALY-BERMEOKO ALKATEA - 05/11/2024
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 05/11/2024 13:02:46

DOCUMENTO: 20241132043
Data: 05/11/2024
Lekua: Bermeon
Erregistro unidaidea:
Erregistro nagusia



Obra lizentzia emoten dauen erabagian agertzen diran baldintzakaz batera, beste baldintza honeek be, bete beharko dira:

1.- Dagokion arkitektoak idatzi eta jagokon alkargoak behar dan moduan oneretxia emonda aurkeztuko da proiektu teknikoa, eta, bai honi eta bai emoten dan lizentziari be zehatz lotuta egingo dira obrak.

2.- Berau kokaturik dagoan kaleko lerrokadura ofizialetara egokituko da eraikuntzea. Udal arkitektoak azalduko dau horreek lerrokadurak zeintzuk diran.

3.- Obra lizentziaren kopia kanpotik ikusteko moduko leku baten egon beharko da lanak egiten diren bitartean, esaterako kolarreko kristalean, atarian, auzoko iragarki taulan...

4.- Lizentzia eskatu eta lortu ostean, eskatzailea honako honeetara egongo da behartuta:

- a) Urigintza arloko arauak eta ezarritako baldintzak oso-osorik betetera. Honeen baldintzen artean, funtsezkoa izango da, aplikagarria dan kasuetan, jarritako ildo ofizialetara zehatz atxikitzea obrea.
- b) Ordenantza fiskalek ezarten dabezan zergak ordaintzera. Eskaria egiten dan momentutik onartzen da betebeharrak betetera.
- c) Lizentzia dala-eta, sortzen diran gastu guztiak ordaintzera, bardin, bide publikoan, harri-zoletan, pasealekuetan, espaloietan, urbideetan, faroletan eta abarrean be; orokorrean, jabari publikoko objektu narriagarrietan sortu leikezan kalteak ordaintzera.
- d) Bai obrea burutzen dagoan bitartean, bai honen amaieran be, udal zerbitzuei ikuskapena egiteko aukerea emotera. Ezarritako baldintzak bete dirala frogatuko dabe honeek ikuskapenak.
- e) Lanek irauten daben bitartean gertatu leikezan intzidentzia guztien erantzulea izatera.
- f) Indarrean dagoan legediak esijitutako generako betebeharrak betetera.
- g) Ur kontagailua ipini beharko da, obrea burutzen dan bitartean kontsumitzen dan ura neurtzeko. Zuinketa Aktea izenpetu aurretik jarri beharko da kontagailu hori, Ur Hornidurea eta Ur Zerbitzuaren Kudeaketarako Erregelamenduaren 78. artikulua xedatutakoa betez. Kontagailua ipinteko beharrezkoa dan eskaria egin beharko da udaletxe honetan, erregelamendu horren 5. artikulua xedatzen dauenaren arabera.
- h) Bizkaiko Aldizkari Ofizialean 2016ko uztailaren 19an argitaratu zan Bermeoko Udaleko Zaratei eta dardarei buruzko Udal Ordenantzea beteko da.
- i) Hormigoi kamioiak ezin izango dira garbitu obran bertan, kamioiak garbitzean sortzen dan zementuzko karesnedun ura kainu-zuloetara joaten dalako eta kainu-zuloak itxi egiten diralako.
- j) Udalak obrea hartu orduko Udal Zerbitzuek kainu-zuloak ikuskatu egingo dabez, eta itxita egon ezkeru, esleipendunak garbitu egin beharko daz, beti be udalak obrea hartu baino lehenago.
- k) Zuinketa aktan kalearen egoera zehaztuko da (galtzada-harriak eta espaloia), beharrezkoa bada, bizigarritasuna emon baino lehen konpondu ahal izateko.

5.- Horretarako legez baimenduta dagoan pertsona baten zuzendaritza fakultatiboan burutuko dira obrak; zuzendari fakultatibo horrek obran jarduteari izten badeutso, hiru egunen barruan eta jagokon alkargo ofizialak onetsitako ofizio bidez, obren sekzinoari emongo deutso horren barri. Jabeak, orduan, zuzendari fakultatibo barria izendatuko dau eta sekzinoari idatziz jakinarazo enkargu-orri egokia eta oneretxia emondakoan. Obrearen zuzendari fakultatiboak uko egin eta hiru egun igaro eta gero, izapide hori oraindino bete ez badau, Obra Sekzinoak lanen jarraipena etengo dau formalidade hori



Agiri hau benetakoa dala udalaren egoitza elektronikoan egiaztatu ahal dozu.
Kodea:
07E80011460B00A3T5X4X1V9Y9

Sinadurea eta data

JURDANA URIARTE LEJARRAGA(-Ayuntamiento de Bermeo - Bermeoko Udala)-IDAZKARI NAGUSIA - 05/11/2024
NADIA NEMEH SHOMALY-BERMEOKO ALKATEA - 05/11/2024
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 05/11/2024 13:02:46

DOCUMENTO: 20241132043

Fecha: 05/11/2024
Lekua: Bermeon
Erregistro unidatea:
Erregistro nagusia

CSV: 07E80011460B00A3T5X4X1V9Y9



bete arte.

6.- Obreak irauten dauen bitartean proiektuan aldaketarik sartzea beharrezkoa bada, aurretik obra printzipalarentzat egin dan moduan, jagokon baimena eskatuko dau. Proiektua aurkeztu zanean eskatu bada edo egindako kitapenarena baino diru-kopuru handiagoa izateko arrazoirik eragiten ez bada, ez da sortuko eskubiderik. Holan izan ezean, diferentzia bakarrik ordainduko da.

7.- Eskatzaileak udaleko funtzionarioen esku itziko dauz planoen aleak onartuta eta zigilua emonda.

8.- Berehala erabiliko ez diran hutsune guztiak itxi egin beharko dira. Itxierea itxurosoa izango da eta ez da onartuko barrualdea ikusteko modurik izatea, ezta leundu eta pintatu bako trenkadarik, oholtzarik edo antzeko materialik be.

9.- Hasitako obrak ezin izango dira itzi amaitu barik. Hori gertatzen bada, udalak beharrezkoak diran xedapenak aginduko dauz. Lanak amaitzea agindu ahal izango dau, orubearen eta eraikinaren kargura.

10.-Obrak amaitu eta gero, jabeak jakinaren ganean ipiniko dau udala hamabost eguneko epe barruan. Jakinarazpen honegaz batera, obrea, onartutako proiektuaren arabera eginda dagoala frogatuko dauen obrako zuzendari fakultatiboaren ziurtagiria aurkeztu beharko dau.

11.- Etxebizitzak okupatu aurretik, Alkatetzeari eskatuko jako bizigarritasun-zedulea. Udal aginteak ez dau baimenduko altzariak etxe-aldatzerik, ezta establezimendua irekiterik be, aurreko esan-multzoan ezarri dan moduan, emondako eraikuntza-lizentziaren baldintzetara lotuta egin dirala obrak egiaztatzen ez bada.

Era berean, solairu bakotxari ur-hornidurea mozten ez jakon arte ez jako emongo lizentziarik. Geroko erabiltzaileek formalizatuko dabe udaletxeko bulegoetan ur zerbitzuan abonadua izateko inskripzioa. Kontratistek izango dau solairu bakotxean ur-hodia ebagiteko baldintzea ez betetearen erantzukizuna.

12.- Obra lizentzia, kasu honeetan iraugiko da, ordaindutakoa itzultzeko eskubide barik:

- Udalak ezarritako epe barruan obrak hasi ez diranean.
- Obrak hasi eta gero, sei hilebetetan etenda geratu diranean.
- Horretarako ezarri dan epe zehatzean, edo, egon leitekeen luzapenean obrak amaitu ez diranean.

Epeak amaitu aurretik, arrazoitutako geldiarazpena edo berandutzea jakinarazo ezkeru udalari, edo ezinbestekoagaitik izan dala frogatu ezkeru, ez da kontuan hartuko epemugarik.

13.- Jabego eskubidea kenduta eta hirugarren pertsonen eskubideak gordeta emon dala baimena ulertuko da, eta onuradunak ezin izango dau erabili bere jardunean izandako erantzukizun zibila edo penala baztertzeko zein gitxitzeko.

14.- Lizentzia honetan aurreikusten ez dan guztirako, herriko arau subsidiarioek eta urigintzako ordenantzek xedatutakora egongo gara.

15.- Euskerearen Normalizaziorako Udal Ordenantzeak dinoana bete beharko da, era honetara: Obrearen seinaleak eta moeta guztietako oharak, segurtasun arauen panelak... euskeraz idatzita egongo dira. Euskeraz eta gaztelaniaz idatzi ezkeru, euskerazko testua bi aldiz handiagoa izango da.

Obrea egingo daben enpresek obran publikidaderik egitekotan, euskeraz egingo dabe; euskeraz eta gaztelaniaz egitekotan, lehentasun osoa emongo jako euskereari.

16.- Beste baldintza batzuk:

- Eraikinaren barruan ipiniko da putzu septikoa eta 3.3. erregistro-tapea eukiko dau. Erkidegoaren jabetzako tokietan (kolarrean edo atarian, garajejan, arrapalan eta abarrean) jarriko da eta debekatuta dago loian ipintea.



Agiri hau benetakoa dala udalaren egoitza elektronikoan egiaztatu ahal dozu.
Kodea:
07E80011460B00A3T5X4X1V9Y9

Sinadurea eta data

JURDANA URIARTE LEJARRAGA(-Ayuntamiento de Bermeo - Bermeoko Udala)-IDAZKARI NAGUSIA - 05/11/2024
NADIA NEMEH SHOMALY-BERMEOKO ALKATEA - 05/11/2024
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 05/11/2024 13:02:46

DOCUMENTO: 20241132043

Fecha: 05/11/2024
Lekua: Bermeon
Erregistro unidatea:
Erregistro nagusia



- 100 metro koadru bakotzeko eta teilaturainoko aireztatze-tximiniak horniduko da loiea. Tximinia barrukoa izango da eta ez da joango inoiz fatxadatik. Etxebizitzaren aireztatze-hodietatik kanpo egongo da.
 - Oinaren okupazioa 100 metro koadrura heltzen ez diran orube txikietan, aitatutako aireztatze-tximinia aurreikusitako beharko da, aurreko esan-multzozan azaldutako baldintzetan.
 - CTE-DB-SI arauak ezarritakoa betetz, kolar edo ataria, loa eta beste establezimendu enparaduetako ateari kanporantz ireki beharko dira, kanpoko espazio publikoaren gunean sartu barik.
 - Eskegita dagozan erropak ikustea guztiz eragotziko daben lamak edo saretak eukiko dabez eskegitokiek.
 - Indarrean dagoan planeamenduko 4.4.4 puntua betetz, babesteko hesi bat jarriko da obran, gixienez metro 2ko altuerak eukiko dauena. Euki leiken edo leikezan atea edo ateari barrurantz zabalduko dira eta lanorduetatik kanpo itxita egongo dira.
 - Kontuan euki beharko da, oztopo arkitektonikoak kentzeari buruz indarrean dagoan araudi guztian ezarritakoa.
 - Eraikin barrien fatxadak kable edo linea ezarpenak ipintetik salbuesita geratuko dira (elektrizitatea, telefonia, eta abar). Lurrazpikoak izango dira honek nahitaez.
 - Obregaz hasi aurretik, eskatzaileak obraren eraginez kaltetuta geratu leikezan kanalizazio eta zerbitzu guztiak ezagutu beharko dauz, eta, horretarako, hartu-emonak izan beharko dauz kalteak jasan leikezan enpresa guztiakaz, bakotxaren araudia kontuan izateko eta instalazioak zehatz-mehatz non dagozan jakiteko. Eskatzailearen erantzukizuna da aitatutakoak ez ezagutzea.
 - Mueta honetako obrak egiten diran eraikintzat indarrean dagoan araudi hau beteko da:
 - CTE
 - CTE-DB-SI
 - CTE-DB-SE
 - CTE-DB-SUA
 - CTE-DB-HS
 - CTE-DB-HE
 - CTE-DB-HR
 - Obrak hasi aurretik, behar dan Zuinketa Aktea egin beharko da. Horretarako Bermeoko Udaleko Sail Teknikoari esan beharko jako, indarrean dagoan araudiak ezarten dauen moduan.
- Akta horretan, obran gastu daitekeen ura neurtzeko kontagailurik dagoan egiaztatu beharko da. Kontagailurik ez badago ezin izango da aktarik izenpetu.
- 1/1998 eta 346/2011 errege-dekretuek ezarritakoaren arabera, telekomunikazioetako azpiegitura komunenentzat proiektu berezia agertu behar da obrak burutzeko proiektuan.
 - Gas kontagailua eraikinaren barru aldean ipiniko da. Kanpora airetuko da eta sarbideko atea barru aldetik eukiko dau. Gas instalazioa udaleko araudiari egokituko jako, sarbidea kolarretik edo ataritik eukiko dau eta banaketea, bertikala izango da, eskegitokietako barruko aldetik jarria; ezin izango da ikusi fatxadatik.
 - 1991ko apirilaren 22ko erabagia, industria eta meategiak administratzeko zuzendariarena, etxeetan, jendea batzen dan lokaletan eta dendetan, gas-instalazioen ikuskerari buruzko indarreko arau teknikoak ulertu eta apliketako behin betiko jarraibideak ematen dauena.



Agiri hau benetakoa dala udalaren egoitza elektronikoan egiaztatu ahal dozu.
Kodea:
07E80011460B00A3T5X4X1V9Y9

Sinadurea eta data

JURDANA URIARTE LEJARRAGA(-Ayuntamiento de Bermeo - Bermeoko Udala)-IDAZKARI NAGUSIA - 05/11/2024
NADIA NEMEH SHOMALY-BERMEOKO ALKATEA - 05/11/2024
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 05/11/2024 13:02:46

DOCUMENTO: 20241132043
Data: 05/11/2024
Lekua: Bermeon
Erregistro unidaidea:
Erregistro nagusia



- Obrearen hesian, kartel bat ipini beharko da, eta, bertan azalduko dira, lanaren hasierako data, eta amaitzeko epea be, horren barri guztiek izateko.
- Obra hondakinak eta lurak mobitea.
- Azaroaren 8ko 31/1995 Lan Arriskuen Prebentziorako "Prevención de Riesgos Laborales" Legea eta baliokideak bete beharko da.

Eraikitze era eraiste lanetako hondakinak kudeatzea: Ekainaren 26ko 112/2012 Dekretuak ezarritakoa beteko da. Horrek esan gura dau, honeek hondakinak derrigorrez eroan behar dirala legeztatutako obra-hondakindegira. Lanak hasi orduko, obra-hondakindegiko titularrak emondako baimen-konpromisoa aurkeztu beharko da.

Lurak mobiteko lanetatik datozen hatx edo lurren kasuan, lurak bete eta egokitzeko be erabili leikez. Horretarako, Eusko Jaurlaritzaren (Hirigintza, Etxebizitza eta Ingurumen Saila) baimena beharko da eta udalarena be bai, 5.000 m3tik beherako bolumenekoentzat.

Lizentzia emoten dauen erabagia behin betikoa da administrazio bidean, eta, erabagi horren aurka eta hemen jarritako edozein baldintzaren aurka, administrazioarekiko auzi-errekurtsoa jarri ahal izango da Auzitegi Nagusiko Eskumeneko Salan. Aitatutako errekurtsoa jarri aurretik, baldintza legez, administrazio honi holan egingo dala jakinarazo beharko jako.

Administrazioarekiko auzi-errekurtsoa ipinteko epea hilebete bikoia izango da, erabagi honen jakinarazpena hartzen dan hurrengo egunetik hasita.

Guzti hori, 1956ko abenduaren 27ko Administrazioarekiko Auzien Jurisdikzioaren 58. artikulua eta urriaren 1eko 39/2015 Legearen 40.2 artikuluan xedatutakoaren arabera.



Agiri hau benetakoa dala udalaren egoitza elektronikoan egiaztatu ahal dozu.

Kodea:
07E80011460B00A3T5X4X1V9Y9

Sinadurea eta data

JURDANA URIARTE LEJARRAGA(-Ayuntamiento de Bermeo - Bermeoko Udala)-IDAZKARI NAGUSIA -
05/11/2024
NADIA NEMEH SHOMALY-BERMEOKO ALKATEA - 05/11/2024
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 05/11/2024
13:02:46

DOCUMENTO: 20241132043

Fecha: 05/11/2024
Lekua: Bermeon
Erregistro unidaada:
Erregistro nagusia



HIZTEGITXOA

Administrazioarekiko auzi-errekurtsoa	Recurso Contencioso-Administrativo
Aireztatze-hodiak	Conductos de ventilación
Aireztatze-tximinia	Chimenea de ventilación
Arau subsidiarioak	Normas subsidiarias
Araudia	Normativa
Auzitegi Nagusiko Eskumenaren Sala	Sala de la Jurisdicción del Tribunal Superior de Justicia
Azpiegitura	Infraestructura
Baldintzea	Condición
Bizigarritasun-zedulea	Cédula de habitabilidad
Epemugea	Vencimiento
Eraikina	Edificio
Erantzukizuna	Responsabilidad
Esan-multzoa	Párrafo
Eskegitokia	Tendedero
Harri-zolea	Empedrado
Ildo ofizialak	Líneas oficiales
Iraungi	Caducar
Jabeen erkidegoa	Comunidad de propietarios
Kitapena	Liquidación
Legegintzako Errege-Dekretua	Real Decreto Legislativo
Lerrokadurea	Alineación
Loiea	Lonja
Meategia	Mina
Objektu narriagarria	Objeto que puede deteriorarse
Obra-hondakindegia	Escombrera
Oholtzea	Tablado
Oina	Planta
Onuraduna	Beneficiado
Orubea	Solar
Oztopo arkitektonikoak	Trabas arquitectónicas
Salbuetsita	Exento
Sarbidea	Acceso
Trenkadea	Mampara, tabique
Urbidea	Conducción de agua
Urigintzea	Urbanismo
Zergea	Impuesto
Zigilua	Sello
Zuinketa Aktea	Acta de Replanteo

5.- ALKATETZA DEKRETUEN BERRI EMOTEA.

Ez da ezer adierazi.

6.- ESKARI ETA ITAUNAK

Ez da egon eskari eta itaunik.



Agiri hau benetakoa dala udalaren egoitza elektronikoa egiaztatu ahal dozu.

Kodea:
07E80011460B00A3T5X4X1V9Y9

Sinadurea eta data

JURDANA URIARTE LEJARRAGA(-Ayuntamiento de Bermeo - Bermeoko Udala)-IDAZKARI NAGUSIA -
05/11/2024
NADIA NEMEH SHOMALY-BERMEOKO ALKATEA - 05/11/2024
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 05/11/2024
13:02:46

DOCUMENTO: 20241132043

Datea: 05/11/2024

Lekua: Bermeon

Erregistro unidaidea:
Erregistro nagusia


CSV: 07E80011460B00A3T5X4X1V9Y9



Eta aztertzeko gai gehiago barik, lehendakariak amaitutzat eman du batzarra goiburuan aitatutako ordu, egun eta lekuan, eta eztabaidatutakoa eta erabakitakoa jasota geratu dadin, nik, idazkariak, agiri hau egin eta izenpetzen dudanak, horren fede ematen dut, lehendakariaren oniritziarekin.

Agiri hau Euskal Autonomia Erkidegoko toki administrazioko zenbakidun paperean jasoko da.

Orri oinean sinatzaileak eta datak

	<p>Agiri hau benetakoa dala udalaren egoitza elektronikoan egiaztatu ahal dozu.</p> <p>Kodea: 07E80011460B00A3T5X4X1V9Y9</p>	<p style="text-align: center;">Sinadurea eta data</p> <p>JURDANA URIARTE LEJARRAGA(-Ayuntamiento de Bermeo - Bermeoko Udala)-IDAZKARI NAGUSIA - 05/11/2024 NADIA NEMEH SHOMALY-BERMEOKO ALKATEA - 05/11/2024 CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 05/11/2024 13:02:46</p>	<p>DOCUMENTO: 20241132043</p> <p>Datea: 05/11/2024 Lekua: Bermeon Erregistro unidatea: Erregistro nagusia</p>
--	--	--	--

